

# INUIT ATAQATIGIIT

## Inatsisartuni



Aasiaat 16. februar 2017

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

- 1. Aasiaat illoqarfiata nunataani nunap iluani imeqarfeqartoq ilumoorpa?**
- 2. Tamanna ilumoorsimasappat taava imeqarfiit nunap iluaniittut imeqarfigineqarsinnaappat?**
- 3. Qilleraluni imermik ujarlertoqarnikuua?**
  - a. Aappiuppat; qanga qillersisoqarnikuua? Aamma qanoq kinguneqarpa?**
  - b. Naamiuppat; Naalakkersuisut imermik ujarlerlutik qillinerissamik pilersaaruteqarnerpat?**
- 4. Taamatut qilleraluni imermik ujarlertoqarnissaa qanoq periarfissaqarpa?**
  - a. Periarfissaqarpa? Tunngavissaqarpa?**
  - b. Taamatut qilleraluni imermik ujarlertoqassagaluarpat aningaasatigut tamanna qanoq naleqarsinnaava?**
- 5. Uunartukasimmiit Aasiannut erngup aqqusiortoqarnissaanik Naalakkersuisut pilersaaruteqarpat?**
- 6. Uunartukasimmiit Aasiannut erngup aqqutissaanik ruujorersuarmik pilersitsisoqassagaluarpat tamanna qanoq naleqassangatinneqarpa?**

(Inatsisartunut ilaasortaq Peter Olsen Inuit Ataqatigit)

### **Tunngavilersuut:**

Aasianni imeqarfiusoq illoqarfimmut qanitsunnguuvooq, ukiunilu makkunani illoqarfiup allartortnera ilutigalugu unammillernartut amerligaluttuinnarput.

Ukiuunerani imeqarfiusup tungaa annertuumik ujakkaarnermik timersorfiulluarterpoq, qamusuarnillu aqqusiorsinnaaneq annertuumik tassuunakkut aporfilersorneqarlunilu killilerneqartarpoq, angallatit motorillit imeqarfiup eqqaatigut angalaqqusaannginnerat pissutaalluni.

Ukiuni kingullermi Aasiaat inuttusiartoqqilerpoq alliartoqqilerlunilu. Illoqarfik avannamut kangimut taamaallaat alliarortinneqarpoq massakkullu periarfissaarukkiartulersimalluni. Taamaattumik piffissanngorsorinarpoq illoqarfiup kujammut imeqarfiup tungaatigut alliarortinneqarnissaa.

Aalisakkerivipput ingerlalluarpoq, taamaattorli ilaanni imermik atuineq ilaanni kigaallatsinneqartariaqartarpoq imeqarfiup tunniussinnaassaa ilaanni killeqalersarmat.

Taamaammatt assigiinngitsorpassuartigut siunnissaq eqqarsaatigalugu imeqarfeqarfeqarnerup tungaatigut allatut aqqiissuussisoqartariaqalernissaa pisariaqalertussaavoq.

Taamatut tunngavilersuuteqarlunga apeqquteqaatiga ingerleqqippara.

Kissatigaraa apequteqaatima ullut qulit iluanni akineqarnissaaa.